

四庫全書

集部

欽定四庫全書

文苑英華卷四百七十二 宋 李昉等 編

鐵券文

賜李納田悅王武俊等鐵券文 陸 贄

維興元元年歲次甲子正月癸酉朔二日甲戌皇帝若  
曰咨爾某官某乙嗚呼君者所以撫人失於所撫則叛

下者所以奉上乖

集作失

於所奉則刑

詔令集作為尤

各當其理

德用不擾各違

詔令作者違集作各乖

其分亂於是生朕德薄化

淺昧於君道罔知省已姑務責人是以徵師徂征連歲

靡息惟爾亦以誠志之不達反側於集作于厥衷阻衆興

戎結壘固守

集作結壘拒守

豈非上失

集有於字

所撫而下垂

垂集作失

於所奉歟書曰萬方有罪罪在朕躬我實不德兆人何

咎俾廢其生業離其室家陷於集作于困窮死於鋒刃集作

戰陣老疾廢養孤乳靡依結怨蒼旻感傷和氣朕為人父

毋得不愧于心哉晨興以思夕惕以懼集作悼自其詔令作予

嗣位迄今六載天將悔禍朕方覺寤爾亦知衆心之厭

亂思所以保安叶于朕懷若應

詔令作有若

符契非天地合

德人神合謀將茂育羣生

詔令作將止役好生

則何以臻此朕是

用

詔令作以

上順天意俯從人心滌爾疵瑕復爾爵位坦然

靡阻君臣如初功載

詔令作書

鼎彝名藏玉府子孫代代為

國勲臣河山帶礪傳祚無絕朕方布大信承天子人若

食其言何以享國於戲其祗若明命

詔令作其敬聽朕命

用保無

疆之休

賜安西管内黃姓壽縣官鐵券文

維貞元二年歲次景寅八月丁巳朔三日己未皇帝若

曰咨爾四鎮節度管內黃姓纛官驃騎大將軍行左金

吾衛大將軍員外置同正員兼試大常卿頓啜護波

集作

沈支惟乃祖乃父率集作服聲教勤勞王家勲書鼎彝

族詔令列于藩集作蕃籍爾克紹祖先之烈而重之以

代

忠貞嗣守職官祇若朝集作化率其種落保我邊

集作

陲丹誠向化集作萬里如近是用稽諸令典錫以券誓

風

集作若金之堅永代無變子孫繼襲作我藩臣爾其欽

風

承勿

集作無

替休命

賜陳敬瑄太尉鐵券文

樂明龜

維中和三年歲次癸卯十月甲午朔十六日己酉皇帝  
賜功臣劔南西州節度副大使管內觀察處置統押近  
界諸蠻及西山八國雲南安撫制置指揮諸道兵馬供  
軍等使開府儀同三司太尉兼中書令成都尹上柱國  
潁川郡食邑三千戶食實封四百戶陳敬瑄鐵券曰烹  
巨鼈者鼎大於滄海斬長鯨者劍倚於青天既立異勲

勉

一作克

膺殊寵李晟免其十死子儀成其九功鏤以金

鏞賜

一作錫

其鐵券後來繼者豈在他人歲寒知松柏之

心國難見忠貞之節五山鎮地一柱擎天氣壓乾坤量

含宇宙自居環衛出擁旌幢論清政而水鏡無光吐赤

誠而朝霞失色手持玉節身鎮錦城扶乾綱則

一作萬

國安

一作齊

心紐坤維則

一作而

百蠻遠指三川飲

一作化

一境歸仁朕以稅駕褒斜省方邛蜀匍匐而來迎鳳輦

驅馳而速建龍宮百辟來朝萬方入貢夏禹塗山之會

未盛於斯漢高沛國之歡無以過此戮阡能

邛州首疾望阡能

如剪草除秀昇

涪州叛校韓秀昇

易若焚巢不讓武侯之勲無

愧文翁之化海東獻款雲南披誠九穀豐登三農務

一作

茂盛濟贍軍國拯接朝廷

一作察

內竭家財外罄公帑千

官感惠一國推功今則巨猾奔逃神州克復將歸上國

即別成都致朕身安由卿忠蓋

一作力

前封公爵後賜郡

王詢於衆情未愜羣望今賜卿鐵券赦其十死望泰山

而立誓指黃河以為盟山無盡時河無竭日君君臣臣



父父子子永遠貴

一作皆唐大詔令

賜許國公韓建鐵券文

崔洵

維光化元年歲次戊午九月戊辰朔八日乙亥皇帝若  
曰咨爾宣力興復功臣鎮國匡國等軍節度管內觀察  
處置修葺宮闕同州長春宮等使開府儀同三司守太  
傅兼中書令興德尹使持節同州諸軍事兼同州刺史  
上柱國許國公食邑四千戶食實封一百戶韓建朕以  
前代功臣實重信賞至有刻於

詔令  
作于

折鼎紀在旂常垂

帶礪之言保金石之誓勲賢所付宜茂明恩况卿秉謙  
蹈和持重守正屬朕前歲巡狩而乃躬親奉迎季孫之  
道在事君周勃之心唯安國畢力扈駕衛我出車

詔令  
作居

克奉行朝更無遺事可謂忠於社稷光映簡書旋以歸  
復京都葺修宮闕載弘舊制皆叶規程曷是殊庸實用  
嘉矚雖迭增崇數而未足酬功宜申誓券之文以示旌  
勲之典矧夫黃河不竭青山匪窮比此賞延錫于苗裔  
使卿永荷祿位長受寵榮對銘鏤以同堅煥聲徽而轉

美卿怒九死子孫怒二死或犯常刑所司不可加責禮  
命甚重往惟欽承宜付史館頒示天下

青詞

季冬薦獻太清宮青詞

白居易

維元和二年歲次丁亥十二月甲寅朔二十六日巳卯  
嗣皇帝臣稽首大聖祖高上大道金闕玄元天皇大帝  
伏以今年司天臺奏正月三日起上帝于南郊佳氣充  
塞四方溫潤祥風微起廬州申連理李樹一株彰義軍

節度使奏

集作進

白鳥一鄭滑觀察使奏瑞麥五科司天

臺奏六月五日夜鎮星見河陽節度使申

一作進

白雀一

荆南節度使申連理李樹一本山南西道觀察使申嘉  
瓜一枚司天臺奏六月十三日夜老人星見河南府申  
芝草兩莖司天臺奏冬至日佳氣充塞瑞雪祈寒者臣  
嗣承丕圖肅恭寅畏祖宗垂慶嘉瑞荐臻虔奉禎祥伏  
深祇惕今時惟玄律節及季冬仰薦明誠敬率恒典謹  
遣攝太尉司徒平章事杜佑薦獻以聞謹詞

上元青詞

吳融

維光化四年歲次辛酉正月乙酉朔十五日己亥皇帝  
臣稽首大聖祖高上大道金闕玄元天皇大帝伏以時  
當獻歲節及上元爰命香火道人烟霞志士按科儀於  
金闕陳齋醮於道場伏願大鼓真風潛垂道蔭俾從反  
正永保無虞四海九州干戈偃戢東臯南畝皆獲豐登  
冀與兆人同臻介福謹詞

下元金籙道場青詞

張玄晏

維乾寧二年歲次丙辰十月戊申朔十二日己未嗣皇  
帝臣稽首大聖祖上大道金闕玄元天皇大帝伏以強  
名曰道迥出氤氳之表惟天為大是生恍惚之中融和  
氣以陶蒸藹真風而煦育况黃廷碧落集列聖之威儀  
絳闕丹臺聚羣仙之步武爰啟祈恩之路寔開請福之  
門敢用真誠陳於下會今雖物無疵癘年獲豐登遠人  
不倦於梯航絕塞靡虞於烽燧而鯨鯢作慝蛇豕為祲  
塗炭黎元黷亂紀律宮朝載罹於焚毀簪裾仍迫於羈

離敢不寤寐思憊晚夕引咎由是廣延真侶重叩玄闕  
幣帛交陳香燈備設伏願堅覆露之德暢亭毒之恩使  
氛祲盡消萬彙咸泰復安宗社大定寰區及臣眇身同  
霑弘造謹詞

太清宮祈雪青詞

封 教

維年月日嗣皇帝臣稽首大聖祖高上大道金闕玄元  
天皇大帝伏以百穀實生靈之本萬姓為國家之基言  
念老農常思薄德今時雪罕降宿麥是憂同雲未施嘉

穀何望臣祇應

疑作  
磨

景運亭育兆人德不動天言徒罪

已染盛慮關於明薦災沴恐及於生靈誠竭齋莊禮虔  
夙夜伏惟玄功不宰至道無言垂福祐於群生假膏濡  
之德澤謹遣尚書兵部侍郎高元裕啟告以聞謹詞

### 祈雨青詞

維年月日嗣皇帝臣稽首大聖祖高上大道金闕玄元  
天皇大帝臣猥奉顧託獲臨宇宙四海之寧晏萬物之  
生成必繫厥躬敢忘其道是用虔恭大業寅畏上玄勵



無怠無荒之憂勤期一風一雨之調順苟或憊候常多  
愧心今三伏之時五稼方茂稍渴膏潤未為憊陽而憂  
勞所牽念慮已及恭持丹懇上瀆玄功冀弘清淨之源  
溥施霑濡之澤染盛必遂煩燠可消將展敬於精誠俟  
降靈於霽霈謹遣吏部侍郎韋湛啟告以聞謹詞

歎文

為太平公主五郎病愈設齋歎佛文

宋之問

至矣哉釋迦之本願也念起於大悲業成於廣濟代俗  
以積迷為用有感斯通衆生以諸病作身至誠能愈我  
鎮國太平公主娥靈襲彩女曜聯英戒環佩於中閨邑  
山河於外館位彌高而跡彌下保是洪猷身日貴而心  
日微由乎夙植全其忠孝頌美於家邦宜爾子孫理歸  
於福壽第五子某官某才光性與慧發生知山桂含芳  
而逼人階蘭吐秀而驚俗頃以寒暄稍改保攝微乖留  
卧玳瑁之牀陪侍鳳凰之宇公主上祈妙福蒙降慈恩

漢賜黃金還依膝下隋珍明月再入掌中今者上報慈  
恩大張名供於是披甲第闢梵筵幢蓋乘空而下來龍  
象接武而爰集迴供絕阨之國求饌香積之宮麴為丘  
而蔽庭酪為沼而環砌龍王獻水噴車馬之埃塵天女  
散花綴山林之草樹無邊之施下飽於三塗普救之心  
傍寬於六趣伏願以斯妙福上薦聖朝應天皇帝長保  
金圖永臨璿極九族既睦祛其有漏之緣萬人以安不  
捨無生之見順天皇后慶垂椒掖德盛蘭宮國風流洽

於鵲巢坤儀光贊於龍辰皇太子業躋聖敬本固元良  
諸王公主等擢秀本枝崇榮湯沐三槐九棘庶職群寮  
咸維赤縣之圖共翼青雲之紀備該空有遍燭幽明俱  
超解脫之津永拔輪回之地

上元日歎道文

白居易

道本無象功成強名生一氣之先為萬物之母吹煦寒  
暑陰陽節而歲功成輔相乾坤上下交而生物遂故能  
阜蕃動植啟迪雍熙邦家保安夷夏咸若今以時因集作

殷獻歲節及上元女道士某等奉為皇帝焚香行道敬  
修功德伏願聲聞紫極丕降玄休大庇群生永康四海  
流光垂慶億萬斯年

立春日玉晨觀歎道文

夫道本無為雖強名而不離乎清淨功歸不宰運陰陽  
而必致乎生成今四歲環周三光燭耀勾萌盡達閉蟄  
皆驚和風競發於年華玄造豈知其日用女道士等奉  
為皇帝稽首齋戒焚香莊嚴伏惟冥鑒照臨神功保衛

精誠上感至道潛通高明廣被於無窮福祐庶垂於有感南山比壽將聖祚而齊隆東海量恩與天波而長潤旁沾動植溥救幽陰咸保乂寧永綏多福

憲宗忌日玉晨觀歎道文

清淨無為之謂道是非有作之謂名道知其源名亦歸正由是群生遂性咸臻妙有之功四氣順時自契不言之信洪鑪假喻大塊無形載厚地以繁滋覆高天而悠久伏以今月二十七日憲宗皇帝忌女道士等齋戒精

修焚香虔懇伏願追縱玄運息駕黃庭保聖祚於無疆  
降神功於有感日月所照福祐同霑

慶陽節

按唐會要武宗六月十一日生  
名慶陽節英華作德陽恐非

玉晨觀

歎道文

莫高者天莫大者道天以不言而信道以不言而功玄  
闕潛契於虛無祕籙廣傳於妙有由是自我聖祖達吾  
神孫微言載流真教不墜膏濡動植亭育生靈豈獨練  
氣谷神保元恬淡而已伏惟仁聖文武至神大孝皇帝

陛下生知至道宿應上玄紹列聖之皇圖冠羣仙於紫  
府光承景運溥濟含靈凝旒而道用冲深端拱而玄風  
淡泊伏以今月十一日皇帝降誕之辰女道士等焚香  
行道敬修功德伏惟聖壽山固皇恩海深將四序而周  
行與三光而長燭天覆地載何得而名道護神扶臻乎  
無極

玉晨觀祈雨歎道文

獨孤霖

茂多稼者唯雨司甘澤者在天水惟法道之言宜叶憂



人之旨今屬早苗方瘳膏潤不霑女道士某等奉為皇  
帝依教發誠循儀啟願冀由衷懇仰達上玄遂使觸石  
未周遽聞泛灑隨風而遠俄覩霧霏大田既詠於豐年  
庶品咸康於樂業

同前

蓋聞天下者君弘道在聖天既不違於有作道當冥助  
於無為今屬夏景將臨春陽已亢女道士某等奉為皇  
帝虔脩法事恭啟至誠庶將憫雨之心冀解憂人之念

伏願油雲散布膏澤遠流來觀離畢之祥已覩斯倉之  
兆覃此餘慶洽于可封

七月十一日玉晨觀別修功德歎道文

前人

若乃喻指未通昧三光於黃道齊心不動披衆妙於玄  
闕歲計方悟其有餘物理孰知其大庇今屬金行御氣  
張宿司辰告朔是先迎秋方始女道士某等奉為皇帝  
鋪陳法要啟迪真筌伏願雨潤大田雲垂多稼書稱舞

羽詩詠戢戈凡當比屋之封盡沐薰絃之樂

九月一日玉晨觀別修功德歎道文

前人

原夫襄城迷往明牧童之可求函谷知來顯至人之所得固以窅冥執有恍惚非無獨見且乖多岐復爽道之遠也庸可量哉今屬鴻鴈賓秋餽羊司朔女道士某等奉為皇帝存誠香火冥懇雲天希用專精默誥禱望伏願災消中夏稔稼穡以盈箱兵息南溟鑄戈鋌而益柱

然後五行皆序四維畢張歌我舜風復此周道

文苑英華卷四百七十二

欽定四庫全書

文苑英華卷四百七十三 宋 李昉等 編

策問十五道

策賢良問五道

策秀才問三道

策博通文典達於教化科問一道

策識洞韜略堪任將帥科問一道

策神岳舉問一道

策賢良問三道

策宰相科問一道

策賢良問五道

第一道

顏師古

問天生蒸庶樹之司牧立化成俗闡教弘風譬璽印之  
抑塗若盤盂之置水汙隆各隨所齒方圓在其所制夏  
后尚忠之政固以率服萬邦殷人先敬之道亦足儀刑  
百姓亟從革變靡定沿襲所貴雖殊同歸於乂先聖設

法將不徒然厥意如何佇聞詮釋

第二道

問夫雜用霸道不純德教是非稽古何以稱強權宜一切寧可垂訓其理隱微其說安取且設官分職非賢不任知人則哲惟帝難之良由言行相違名實乖舛情態難覩蘭艾莫分藻鏡銓衡苦其混揉如何審綜察茲優劣八觀之術往彥所陳七繆之郵非無前說澄汰糠粃其可必陳何謂七繆宜具條錄勿致闕遺又西京課吏



其法何以鄴洛考功衆議孰得且公卿已下員祿素定  
量其閒劇職務纔舉而散官一色多乏噐幹縱非鄙弱  
則有疵瑕至於銜命諸方承旨出使按察撫勞絡繹相  
趨若差職事之人則於官曹闕廢如其專遣冗散又致  
前途虧失彼此難周未能通允欲施何法使得兼濟又  
二代察察大數幾何用官詳備遣人可觀準望聖朝繁  
省何若自秦及漢掌外使者何人當塗典午出邦畿者  
何職書傳所說可得而言識達化方久應商畧既無礙

滯悉俟敷陳

第三道

問潔已以進陳諸往冊平康正直彰乎前訓脩身勵操  
俱曰可稱攝職當官何者尤切必能兼善其利博哉互  
有所長宜甄先後今既舉茲二事欲委共康廣扇清風  
大矯流俗施行條教可用率下使人懷冰碧一作玉之心

家有素絲之節軌物昭範佇觀表儀若在姬周號稱多  
士羸氏居位亦有賢人誰脩廉潔之道孰當正直之舉

爰及兩漢魏晉已來歷載遐長廉直衆矣其間尤異凡  
有幾人必須具列姓名分條事迹無或非當意狀殊遠  
先古有言惟德作乂既充廉潔之選又應正直之科誠  
宜追蹤曩人尚想同志並驅前烈誠可比肩企仰高山  
誰者弗逮當仁不讓寧假撓謙近取諸身豈或涯分無  
而為有是則非廉虛美雷同又乖正直兼茲學植一作殖  
理必該通原始要終當盡弘博

第四道

問學以從政昔賢令則博文強識君子所尚結髮升朝  
敷衽受職開物成務率由茲道是以登高能賦可列大  
夫試諷籀篇乃得為史然而筭祀悠邈載籍寔繁鑽仰  
雖多罕能擇練今將少論古昔庶異見聞勿用浮辭當  
陳指要九流七畧題目何施八體六書名義焉在三皇  
五帝諸說不同列次區分誰者為允翠為疑作玄扈臨  
之而安得緣純黃玉所表其異事陰康驪畜行序孰當  
封鉅大填胡寧游處彤魚昌僕出何典誥窮蟬聲望厥

類惟何管仲文錦既醜何貴子產深練實厚何俾周鼎  
所存議疑者幾物齊鍾所釁卒用何牲罷絀諸侯何  
名三十六都褒貶將相何謂三十二人至如象葉之精  
乎棄日本鷄之巧乎異端著於簡牒何所沮勸學綜古  
今想宜究悉一二顯析無憚米鹽

### 第五道

問八政所先食貨居首萬商之業市井為利菽粟稻粱  
饑饉足以充口布帛絲纊寒暑足以蔽形生靈所資莫

此為急爰及室宇器械同出五材皆稟造化之功取者  
得供其用而龜貝之屬何故為寶競取而多誰所創意  
錢幣之作本以何施億兆賴其何功政教得其何助若  
夫九府之法于何貿遷三官所統又何典掌未知乘時  
趨利濟益淺深起偽生姦有何虧敗九府之名欲知其  
九三官之號何等為三宜各指陳務令可曉子紺前漢食貨  
志赤仄應助曰子紺錢也稱貴文飾何如赤仄殊形以向間錯又賣  
穀極賤則農夫劬勞而不給糴價翔踴則工商窘乏而

難振為政之道患在不均設法籌筭去其太甚使夫荷  
鍾擁耒阡陌之用獲饒作工通財倉廩之儲不匱又糴  
三舍一起自何人以毋權子云誰所建各申何法厥利  
焉如今欲脩之孰可孰不可亦宜辨說不可曖昧佐時  
經國此亦一隅既膺斯舉何所興讓聊動翰墨豈申餘  
勇

策秀才問三道

獨孤及

第一道

問儒有安身以全德有殺身以成仁有殉名以行已有

忘名以救物雖俱出於儒墨而用之不同聖人立言豈

其無操持歟

集作  
豈其

夫魏顆違命申生受賜伍尚赴郢伍

胥如吳四者孰孝比干死而

集作  
之

微子去之太公投竿

伯夷採薇四者孰義石戶竄於海上伯陽隱於柱下鵬

夷子去

去字集作范  
蠡汎舟於

越三者孰潔今欲考其本末度長

以挈大較其去就合異以為同渴聞貫之之道辦之之

說



第二道

問黃帝氏以無為為政故垂衣裳而天下順周人三千  
其儀亦克用又舜誅四罪天下咸服而成康恭已刑措  
不用致化之本豈不同源而文質殊貫損益相反以古  
範今何為去集作就孔子用鉞兩觀而魯至於道集作

宓子賤鳴琴單父

集作

而民

集作

亦自化寬猛之際小

大奚侔比權量實其義焉在敷暢厥旨敬佇嘉言

第三道

問傳曰其君齊明精潔則神饗人聽故神明降之夫天地絪縕冲氣為人神何由降明何由出至如晉崇實沉崧生申甫編傳穀城之老言發魏榆之石檮杌杜伯與商周而存亡黃熊白毛將晉虢而興敗是何神也根本焉在二三子賁然來思宜究乎天人之終始其悉數以對

策博通墳典達於教化科問 陸 贄

問皇帝若曰朕承祖宗之鴻休

登科記作烈

獲主神器任大

守重懼不克堪思與賢士大夫共康理道虛襟以佇側

席以求而群議紛然所見異指或牽古議而不變或趨

時會而不經依違以來七年于登科記茲矣國制多闕

朕甚惡焉今予大夫博習典墳深明教化褒然充舉咸

造于庭其極慮精思以諭朕心之未寤仲尼叙禮樂刪

詩書脩春秋廣易道六經之義登科記所尚各殊豈學

者脩行理當區別將聖人立意本異旨詔令無旨字宗

源集作願非施之於時孰為先後考之於道何者淺深差次

詔令無旨字  
為是英華疑

等倫指明其義夫知本乃能通於變學古所以行於今

今

詔令  
作用

之教人則異於是工祝陳禮樂之器而不知其

情生徒誦禮樂之文而不究其

集作  
賦

以事欲人無惑其可

得耶將革前非固有良術堯舜帥天下以義比屋可封

桀紂帥天下以暴比屋可戮然則上之化下罔或不從

而三仁四凶較然同

集作  
自

異有教無類豈虛言耶

集作  
哉

作樂移風聞諸昔典夫至雅必淡至音必希文侯

英華  
作公

非列國之賢君猶曰則惟恐寐矧彼流俗其能化乎將

天地同和災殄不作黎人不變姦慝不萌何施何為以

至

一作致

於此王者制理必因其時故忠敬質文更變迭

救

一作改

三代之際罔不由之自秦刻古法漢雜伯直紛

綸千紀王教不興國家接周隋之餘俗未淳一

集作純壹

處

集作居

都邑者利巧而無

一作忍

恥躬

一作服

田畝者朴野而

近愚尚文則彌長其澆風復質則

登科作文

莫救其鄙俗立

教之本將安所

登科記作何適

從自昔哲王唯此

一作以

三正互

用後之術士乃言五運相生漢應火行則周為木德禮

猶

一作稱

尚赤義則

集作登  
記作烈

頗重永言於義

一作茲

莫識厥

理九流得失之論歷代興亡之由王鄭釋禮

登科記  
作識禮

之

異同公穀傳經之優劣必精心考究

詔令作必  
精必究

用沃虛

懷

策識洞韜鈴堪任將帥科問

問皇帝若曰朕遐覽典謨詳求至理

集作理  
道

三代之制

登科

記作際

粲然可徵未嘗不文武並興農戰兼務故能居則

足食動則足兵足兵則暴亂息足食則教化行

十二字  
集作登

科記並作兵足則威食足則興集作國之本實在於此  
固威則暴亂息固則教化行理

秦漢已降王制不修選士廢射御之儀教人無蒐狩之

禮即戎者不知其稼穡力本者罕習於干戈於是異文

武之人分農戰之道守則乏食征則鮮兵歷茲千年竟

莫能復抑知之者盡寡將行之者惟艱與朕念之甚勤

思繼前躅良以軍旅之事戎詔令戍靡寧勲庸既多爵

秩咸貴俾服田畝慮興怨咨仰於一作縣官不可勝計

由是版圖歲登科記減阡陌日登科記荒水旱小憊廩

作日

作日

作歲

餉咸竭欲使軍人悅歸於耒耜儒者兼達於韜鈴田萊

盡耕攻取必勝誘人甚

孔集作

易其術安施王者之師本

於立德兵家之法方務出奇德以信成奇以詐勝理有

違反將何適從宋襄成列而敗軍見嘉魯冊韓信決囊

以

詔令作而

推敵取貴漢朝然則喪國亡家豈

集作存字

伯王之

道冒危乘險非

詔令無字

仁義

詔令作誼

之心所宜討論以定褒

貶夫衆寡不敵克必以謀樂生下齊孫子破楚魏武之

勝袁紹宋高之滅姚泓成敗之由備陳本末古人有言



曰誅伐不可偃於天下又曰善為國者不師二端異焉

其有深旨子房次序

一作列

兵法任宏論撰軍書指明

一作

陳

異同詳錄名氏所聞高略

一作想聞高略

擇善而行之

### 策神岳舉問

此篇所答策載四百八十卷賢良方正科策問隨

策今不重出止存其名

### 策賢良問三道

### 第一道

問天六地五經緯斯列內和外順禮樂攸興體也備而後成履也踐而乃立厥語則興導諷誦厥德則祇庸孝友而大道之行本無制作忠信之薄譏為亂首終以六君子由此振三代之英四豪士違之嬰五伯之罪焉往可以還淳反朴何適可以持盈守成郁乎文哉周監二代網羅奔放沿革多端至若緇布纁祗疑夏脍冬雉弓矢詢於五物濟擘正於三命示惠而加折節訓恭而置房蒸間問殷聘搢三挾一詩懷祝嘏絲屨尸賓恍疑木

虞陞桑園菴然禛

闕

盜沈飄

疑作汎

齊苟敬之儀甫

寔之節此等之物各為何興用之安所捨之何從經邦之略焉假設施別白書之無或曖昧

第二

第三

右二篇所答策第二篇載四百八十三卷賢良方正科第三篇載四百七十七詞標文苑科策問隨策今不重出止存其名

策宰相

一作科問

問聖人握天下之圖居域中之大莫不仗羣材而康庶  
績資多士以牧黎元夢想傅巖之野佇思磻溪之上遂  
得乘箕入相就三命而作鹽梅投釣昇朝封四履而稱  
師父故如英靈間出千載一賢皇化軌躅殊途共貫我  
大周道冠羲軒功高媧燧長楚必割翹木無遺虛席旌  
賢宵衣納善降賢良之制下徵辟之書子等並藏器待  
時懸瓢俟扣深識宰臣之體妙達經邦之術欲使陰陽

調六律風雨應四時一百姓之心平九州之利餘糧棲  
畝外戶不扃亭障無虞關河罷戍漁者虛湍瀨田者讓  
肥腴路不拾遺市無二價眷言於此何道以臻至如九  
儀八座之指歸四師六典之題目並馭人之大體撫俗  
之良規幸陳名義之端無致踈遺之對

文苑英華卷四百七十三

欽定四庫全書

文苑英華卷四百七十四 宋 李昉等 編

策問十九道

華州試進士問五道 試進士問九道

試進士問五道

乾元元年華州試進士策問五道

杜甫

第一道

問古之

集無此二字

山林藪澤之地各以肥磽多少為差故

供甲兵士徒之役府庫賜予之用給郊社宗廟之禮奉

養祿食之出辨乎名物存乎有司是謂公賦知歸地着

不撓者已今聖朝紹宣王中興之洪業于上庶尹備山

甫補袞之能事于下而東寇猶小梗率土未甚闕總彼

賦稅之獲盡贍軍旅之用建

集作速

是官御之舊典闕矣

人神之攸序乖矣欲使軍旅足食則賦稅未能充備矣

欲將誅求不時則黎元轉罹於疾苦矣子等以待問之

實知新之明觀志氣之所存於應對乎何有佇渴救弊之通術願聞強學之所措意道在此矣得游說乎

## 第二道

問國有輶車廬有飲食古之案風俗遣使臣在王官之一守得馳傳而分命蓋地有要害郊有遠近供給之比省費相懸今茲華惟襟帶關逼輦轂行人受詞於朝夕使者相望於道路屬年歲無蓄積之餘職司有愁痛之色集作况軍書未絕王命急宣挿羽先翦於騰鷹樊帷



不供於埋馬豈芻粟之勤獨爾實駮駢之價闕如人主  
之軫念屢及於茲邦伯之分憂何嘗敢怠乞恩難再近  
日已降水衡之錢積骨頗多無暇更入燕王之市欲使  
輶軒有喜主客合宜閭閻罷杼軸之嗟官吏得從容之  
計側佇嘉論集作新語當開道集作齊時

第三道

問通道陂澤隨山濬川經啟

名賢策問  
作啟闕

之理疏奠

名賢  
策問

作鑿之術

一作跡

抑有可觀其來尚矣初聖人盡力溝洫有

國作為隄防洎後代控引淮海漕通涇渭因舟楫之利  
達倉庾之儲又賴此而殷亦行之自久近者有司相土  
決彼支渠既潰渭而亂河竟功多而事寢人實勞止岸乃  
善崩遂使委輸之勤中道而棄今軍用蓋寡國儲未贍  
雖遠方之粟大來而助輓之車不給是以國朝仗彼天  
使徵茲水工議下淇園之竹更鑿商顏之井又恐煩費  
居多績用莫立空荷成雲之鉢復擁閩名賢策問作墳淤之泥  
若然則舟車之用大小相妨矣軍國之食轉致或闕矣

矧夫人煙尚稀牛力不足者已子等飽隨時之要挺賓王之資副乎求賢敷厥謙論

第四道

問足食足兵先哲雅誥蓋有兵而

集無而字

無食是謂棄之

致能掉鞅靡旌斯可用矣况寇猶作梗兵不可去日聞將軍之令親覩司馬之法關中之卒未息灞上之營何遠近者鄭南訓練城下屯集贍彼三千之徒有異什一而稅竊見明發教之

集作以

戰鬪亭午放其庸保課乃菽

粟

某作麥

以為尋常夫悅以使人是能用古伊歲則云莫

實慮休工

文粹作土

未卜及瓜之還交比翳桑之餓群有司

自救不暇二三子謂之何哉

### 第五道

問昔帝堯之為君也則天之大敬授人時十六畀自唐  
侯者已昔帝舜之為臣也舉禹之功克平水土三十登  
為天子者已本之以文思聰明加之以勞身焦思既睦  
九族協和萬邦黜去四凶舉十六相故五帝之後傳載

唐虞之美無得而稱焉易曰君子終日乾乾詩曰文王

小心翼翼竊觀古之聖哲未有不以此

集無此字

君唱於上

臣和於下致乎人和年豐成乎無為而理者也主上躬

純孝之聖樹非常之功內則拳拳然事親如有闕

一作待

外則悻悻然求賢如不及伊百姓不知帝力庶官但恭

已而已寇孽未平咎徵之至數也倉廩未實物理之固

然也今大軍虎步列國鶴立山東之諸將雲合淇上之

捷書日至二三子議論弘正詞氣高雅則遺稜蕩滌之

後聖朝砥礪之辰雖遭明主必致之於堯舜雖降

一作降及

元輔必要之於夔皋

集作稷禹

驅蒼生於仁壽之域反溥朴

於羲皇之上自古哲王立極大臣為體眇然坦途則何

往不順

集作利往何順

子有說否庶復見子之志豈徒瑣瑣射

策趨競一第哉頃之問孝秀

集作麻

取備尋常之對多忽

經濟之體考諸詞學自吐文章在策以徵事曷成凡例

焉今愚之粗徵貴切時務而已夫時患錢輕以至於量

資幣權子母代復改鑄或行乎前榆莢後契刀當此之

際百姓蒙利厚薄何人所制輕重又穀者所以阜俗康  
時聚人守位者也下至十室之邑必有千鍾之藏苟凶  
穰以之貴賤失度雖封丞相而猶困侯大農而謂何是  
亦一作繼絕表微無或區分踰越蒙實不敏仁遠乎哉

進士策問

韓愈

第一道

問夫子既沒聖人之道不明蓋有楊墨者始侵而亂之  
集有其  
時二字天下咸化而從焉孟子辭而闢之則既廓如也

今其書尚有存者其道可推而知不可乎其所有者何

事其不合於道也

集作者

幾何孟子之所以辭而闢之也

一無也字

者何說今之學者有學於彼者乎有近於彼者乎

而

集作其

已無傳乎其無乃化而不自知乎其無傳也則

善矣如其尚在將何以救之乎諸生學聖人之道必有能言是者其無所為讓

## 第二道

問所貴乎道者不以其便於人而得於己乎當周之衰



管夷吾以其君伯九合諸侯一匡天下戎狄以微京師以尊四海之內無不受其賜者天下諸侯奔走其政令之不暇而誰與為敵此豈非便於人而得於己乎秦用商君之法人以富國以強諸侯不敢抗及七君而天下為秦者商君也而後代之稱道者咸羞言管商氏何哉庸非求其名而不貴其實歟願與諸生論之無惑於舊說焉

第三道

問夫子之言曰盍各言爾志又曰居則曰不吾知也如或知爾則何以哉今之舉者不本於鄉不序於庠一朝而羣至乎有司有司之不知也宜矣今將自州縣始請各誦所懷聊以觀諸生之志死者可作其誰與歸集有又曰

居是邦也六字

事其大夫之賢者友其士之仁者敢問諸生之

所事而

一有所字

友者其誰乎所謂賢而仁者其士

集作事

如

何哉言及之而不言亦君子之所不為也

#### 第四道

問春秋之時百有餘國皆有大夫士詳於傳者無國無  
賢人焉其餘皆足以充其位不聞有無其人而闕其官  
者春秋之後其書尤詳以至於吳蜀魏下及晉氏之亂

集作下及晉  
魏氏之亂

國分如錙銖讀其書亦皆有人焉今天下

九州四海其為土地大矣國之舉士內以明經進士外

有方維大臣之薦其餘以門地勲

一作勢

力進者又有

集作

加倍於是其為門戶多矣而自御史臺尚書省以至於

中書門下省咸不足其官豈今之人不及於古之人耶

何求而不得也夫子之言曰十室之邑必有忠信如丘  
者焉誠得忠信如聖人者而以委一作而大臣宰相之  
事有不可乎况於百執事之微者哉古之十室必有任  
宰相大臣者今之天下而不足士大夫於朝其亦有說  
乎

### 第五道

問周易之說曰乾健也今考乾之爻在初者曰潛龍勿  
用在三者曰夕惕若厲無咎在四者曰無咎在上者曰

有悔卦六位一勿用二苟得無咎一有悔安在其為健乎又曰乾以易知坤以簡能乾之四位既不為易矣坤之爻又曰龍戰于野集有其血戰之於事其足為簡乎易六經也學者之所宜用心焉願施其辭陳其義焉

第六道

問人之仰而生者在穀帛既豐無饑寒之患然後可以行之於仁義之途措之於安平之地此愚智所同識也今天下穀愈多而帛愈賤人愈困者何也耕者不多而

穀有餘蠶者不多而帛有餘有餘宜足而反不足此其故又何也將以救之其說如何

### 第七道

問夫子言堯舜垂衣裳而天下理又曰無為而理其舜也與書之說堯曰親九族又曰平章百姓又曰協和萬邦又曰歷象日月星辰敬授人時又曰洪水懷山襄陵下人其咨夫親九族平章百姓和萬邦則天道授人時愁水禍非無事也而其言曰垂衣裳而天下理者何也

於舜則曰慎

集有徽字

五典又曰叙百揆又曰賓四門又曰

齊七政又曰類上帝禋六宗望山川徧群神又曰協時

月正日同律度量衡五載一巡狩又曰分十二州封

集作

隨山濬川恤五刑典三禮彰施五色出納五言嗚乎其

何勤且煩如是而其言曰無為而理者何也將亦有深

辭隱義不可曉耶抑其年代遠矣

集作已遠

失其所

集無所字傳

耶二三子其辨焉

第八道

問古之學者必有所師以通其業成就其德者

一無由者字

漢代

集作氏

已來師道日微然猶時有授經傳業者及于

今則無聞矣德行若顏回言語若子貢政事若子路文學若子游猶且有師非獨如此雖孔子亦有師問禮於老聃問樂於萇弘是也今之人不及孔子顏回遠矣而且有所師然其不聞有業不通而道德不成者何也

### 第九道

問食粟衣帛服仁行義以俟死者二帝三王之所守聖



人未之有改焉者也今之說者有神僊不死之道不食粟不衣帛薄仁義以為不足為誠何道耶聖人之於集作于人猶父母之於子有其道而不以教之不仁其道雖有而未知之不智仁與智且不能又烏集作馬足以為聖人乎不然則說神僊者妄矣

試進士策問

元和二年為府試官作

白居易

第一道

問禮記曰事君有犯無隱又曰為人臣者不顯諫夫

夫字

集作然則不顯諫者有隱也無乃失事君之道乎無隱者顯

諫也無乃失人臣之節乎語曰不知命無以為君子易  
曰樂天知命故不憂語又曰君子憂道不憂貧斯又憂  
道者非知命乎樂天不憂者非君子乎夫聖人立言皆  
有倫理雖前後上下若貫珠然今離之則可以旁行  
合之則不能一集作同貫豈精義有二耶抑學者未達  
其微旨耶

## 第二道

問夫

集作夫字

大時不齊大信不約大白若辱大直若屈此

四者先聖之格言後學之彝訓有國者酌之以行化也  
立身者踐之以脩己也然則雷一聲而蟄蟲蘇勾萌達  
霜一降而天地肅草木衰其為時也大矣斯豈不齊者  
乎日月代明而晝夜分刻漏者準之無秒忽之失焉春  
秋代謝而寒暑節律呂者候之無忝累之差焉其為信  
也大矣斯豈不約者乎堯讓天下而許由遁周有天下  
而伯夷餓其為白也大矣斯豈辱身者乎桀不道龍逢

諫而死紂不道比干諫而死其為直也大矣斯豈屈已者乎由是而觀有國者立身者就之久矣衆君子試為

辨也

集作之

### 第三道

問大凡人之感於事則必動於情發於歎興於詠而後形於歌詩焉故聞蓼蕭之詠則知德澤被物也聞北風之刺則知威虐及人也聞廣袖高髻之謠則知風俗之侈

集作有

蕩也古之人君者採之以補察其政經緯其人

焉夫然則人情通而王澤流矣今有司欲請於上遣觀風之使復採詩之官俾無遠近一作通無美刺日採於下歲聞於上以副我一人憂萬人之旨識者以為何如

#### 第四道

問百官職田蓋古之稍食也國朝之制懸在有司兵興已還吏鮮克舉今稽其地籍則田亦具存計以戶租則數多散失至使內外官中有品秩等局署同而厚薄相懸不啻乎十倍者斯積弊之甚也得不思革之乎請陳

所宜以救其失

第五道


問穀帛者生於下也泉布

一作貨

者操於上也必由均節

以致厚生今田疇不加闢而菽粟之價日賤桑麻不加植而布帛之估日輕懋力者輕用而愈貧射利者賤收而愈富至使蠶農益困游手益繁夫然豈穀帛歛散之節失其宜乎將泉貨輕重之權不得其要乎今天子方策天下賢良政府之士親訪利病以活元元吾子若待

問於王庭其將何辭以對



文苑英華卷四百七十四

欽定四庫全書

集部

文苑英華卷四百七十五至

詳校官庶吉士<sub>臣</sub>柳邁祖

助教<sub>臣</sub>常循覆勘

總校官進士<sub>臣</sub>朱鈐

校對官中書<sub>臣</sub>鮑之鍾

謄錄監生<sub>臣</sub>許紹錦



欽定四庫全書

文苑英華卷四百七十五

宋 李昉等 編

策問二十二道

策進士問五道

明經諸經策問七道

道舉策問三道

弘文崇文生策問二道

禮部策問進士五道

策進士問五道

權德輿

第一問

問六經之後百氏塞路微言大義寢以乖絕使昧者耗

日力以滅天理去夷道而趨曲學利誘於內

名賢策問  
作知誘於

外不能自還漢庭用經術以昇

集作都

貴位傳古義以決

疑獄誠為理之本也今有司或欲舉建中制書置五經

博士條定員品列於國庠諸生討論歲課能否然後刪

非聖之書使舊章不亂則經有師道學者

一作皆

顯門以

為如何當有其說至於九流百一作六家論著利病有可  
以輔經術而施教化者皆為別白書之

## 第二問

問易曰君子夕惕若厲語曰君子坦蕩蕩禮之言絢衣  
則曰惡其文之著也儒行則曰多文以為富或全歸以  
為孝或殺身以成仁或玉色以山立或毀方以瓦合皆  
若相戾未能盡通顏回三月不違仁孟軻四十不動心  
何者為優柳下惠三黜而不去子文三已而無愠何者

為愈召忽死子糾管仲相小白棠君赴楚召子胥為吳行人何者為是析疑體要思有所聞

第三問

問周制什一 是稱中正 秦開阡陌以業農 戰今國家參酌古道 惠綏元元 均節財征 與之休息 豐年則平糶於穀 下恒制則轉漕於關 東尚慮地有遺利 人有遺力 生之者少 靡之者多 粟帛寢輕而緡錢益重 或去衣食之本 以趣末作 自非翔貴之急 則有甚賤之傷 欲使操竒

羸者無所牟利務農桑者沛然自足以均貨力以制盈  
虛多才洽聞當究其術至若管仲通幣之輕重李悝視  
歲之上下有可以行於今者因亦陳之美利嘉言無辭  
悉數

#### 第四問

問懲忿窒慾易象之明義使驕且吝先師之深誠至若  
洙泗之門人故謂原漸漬於道德固已深矣而仲由  
愠見原壤夷俟其為忿與驕不亦甚與商不假蓋賜能

貨殖從我之徒而各恡缺如是皆所未達試為辨之

第五問

問育材造士為國之本修辭待問賢者能之豈促速於儷偶牽制於聲病之為耶但程試司存則有拘限音韻頗叶者或不聞於軼響珪璋特達者亦有累於微瑕欲使楚無獻玉之泣齊無吹竽之濫取捨之際未知其方子曰盍各言爾志趙孟亦請七子皆賦以觀鄭志古人有述祖德叙家風之作衆君子藏器而含章者久積善

集作厚

而流慶者遠各言心術兼叙代德鄙夫虛佇以廣

未聞

明經諸經策問七道

春秋第一問

五經弘文生同

問孔聖屬詞丘明同耻裁成義類比事繫年居體元之前已有先傳在獲麟之後尚列餘經豈脫簡之難徵復絕筆之云誤子產遺愛也而賂伯石叔向遺直也而戮叔魚吳季札附子臧而吳衰宋宣公捨與夷而宋亂陣

為鷩鷩戰豈捷於魚麗詛以犬雞信寧優於牛耳子

集有

之所習也為子言之

禮記第二問

五經弘文生同

問三代之弊或朴或薄六經之失或愚或誣夫以殷周之理道詩書之述作施於風俗豈皆有所未至耶輟祭納書誠為追遠執戈桃茢無乃傷恩何二者之相反耶兩楹坐奠歎有切於宗子九齡魂交數能移於與爾何二者之不一耶山節藻稅豚肩狐裘皆大夫也又何相



遠耶檀弓袒免子游衰麻何如直諒而忠告之耶各以  
經對

周易三問

五經道  
舉同

問四營成卦三古遺文本自河圖演於羨里而西鄰禴  
祭斯乃自多箕子利貞且居身後豈理有未寃復古失  
其傳乾彖辭乃次六爻之末坎加習字有異八純之體  
無妄則象稱物與同人則彖引卦名或備四德而纔至  
悔亡或無一德而自居貞吉訪於承學思以稽疑至若

康成之陰陽象數輔嗣之人事名理異同優劣亦為明徵

尚書第四問

五經同

問左史記言古之大訓何首載堯典而乃稱虞書當文思之代而九官未命及納麓之時而四凶方去豈允恭克讓待玄德而盡善耶仲虺作誥伊尹作訓豈臣下忠規之稱耶伯禽費誓穆公秦誓豈帝王軌範之書耶好風好雨既從於箕畢時若恒若復係於休咎何所適從

耶伏生傳於耄耄魯璧得於殘缺前代講訓孰為名家  
可以詳言用窺奧學

毛詩第五問

五經同

問二南之化六義之宗以類聲歌以觀風俗列國斯衆  
何限於十四陳詩固多豈止於三百頌編魯頌奚異於  
商周風有王風何殊於鄘衛頗疑倒置未達指歸至若  
以句命篇義例非一瓜瓞取綿綿之狀草蟲棄嘒嘒之  
聲斯類則多不能具舉既傳師學一為起予企聞博依

之喻當縱解頤之辨

穀梁第六問

五經同

問魯史成文以一字為褒貶漢庭尚學有二傳之異同  
雖子夏援經孫卿肄業而去聖寢遠傳疑儻多閔以定  
時何非乎告朔雩乃閔雨奚憂於去讓文有無天之說  
定有無王之年例或難通理亦未盡衛輒辭以尊祖於  
義安乎許止闕於嘗藥受誣乃甚以茲凝滯皆藉發明  
穀梁子之言固當有據應上公於古復是何神諸儒待

問一為覲縷

論語第七問

問孔門達者列在四科顏子不幸伯牛惡疾命之所賦  
誠不可同至若攻冉求以鳴鼓比宰我於朽木言語政  
事何補於斯七年可以即戎百年可以去殺固弛張之  
有異曷遲速之相懸為仁由己無信不立拜陽貨則時  
其亡也辭孺悲則歌使聞之聖人之心固當有為鄙則  
未達子其辨歟

道舉策問三道

第一問

問莊生曰吾聞庖丁之言得養生焉蓋以其游及無全

善刀

一作及

而藏之故也禦寇則曰養生如何肆之而已

莊生曰嗜慾深者天機淺禦寇則以朝穆善理內而性交逸何二論背馳之甚耶夫一氣之斲聚為物之逆旅誠不當傷性沽名以耗純白儻昧者未通矯抗之說因遂耳目之勝甘心真一作宜力則如之何既學於斯佇有

精辨

第二問

問駢拇之言曰有虞氏招仁義以撓天下天下莫不奔命於仁義以易其性庸詎知不有性於仁義而不可易者乎以伯夷死名於首陽之下庸詎知伯夷非安於死而不可生耶微濠上觀魚之樂則莊生非有虞與伯夷也又安知有虞與伯夷之不然耶微鳧鶴短長之脛又安知有虞與伯夷之性非不可斷不可續者耶雖欲齊

同彼是先逆

集作逆

後合惡用謬悠卓詭如是之甚耶蓬

心未達幸發吾覆

### 第三問

問至人恬淡外其形骸使如死灰如木雞斯可矣至若蹈履水火而不焦沒雖以誠信庸至是乎斯所以有疑於呂梁丈人商丘開之說也蓋有以誠信安於死而不遷者未有以誠信蹈難而必不死者此何所謂其實言之



弘文崇文生策問二道

第一問

問儒館設科以優華緒亦明勸學然後審官諸生或以  
紉綺之年講誦未暇在琢玉之或怠於製錦而如何儻  
稍舉章程以明課試因粲粲之質加孳孳之勤可以遠  
圖固為盡善但因循既久慮物議為難盍自言之將求  
折衷

第二問

問左掖東朝載弘學敷貴游胄子於是翔集法禁或弛

藝實難徵推恩補員擡闕升第或人疑張祿或詞假葛

襲

川文粹作襲是

誠瑕不揜瑜豈仕優則

一作方

學澄汰則衆心

未允因仍則流弊寔深有司病諸幸喻其術

禮部策問進士五道

貞元十九年

第一問

問漢廷董仲舒公孫弘對策言天人相與之際而施於教化常立成匡衡之倫以明經至宰相封侯皆本王道

以及人事今雖以文以經貴祿學者而詞綺靡於體

文川

粹作景物寢失古風學因緣於記問寧窮典義說無師法

經不明家有司之過敢不內訟思欲本司徒之三物崇樂正之四術不率教者屏之遠方則名義益修風俗益厚程孝秀之本業叅周漢之舊章慮難改作式佇嘉話事關理本必議上聞斯

集作悉

乃誠求諸生毋忽

## 第二問

問齊人之所以務於賦輸用給公上大抵饋軍實奉邊

倘而已今北方和親亟通禮命南詔納款屢獻竒功而  
蠡茲西戎尚有遺類猶調盛秋之戍頗勤中夏之師思  
欲盡復河湟之地永銷燿一作燧之警師息左次人無  
外徭酌古便今當有長策乃者戎人願脩前好因請其  
俘或曰彼實無厭絕之以固吾圉或曰始示大信許之  
以靖吾人或曰歸貴種以懷其心或曰奪長技以翦其  
翼當蘊較然之見備可舉之方

第三問

問祖宗昭穆王者之盛典明祀嚴禋有國之大事頃歲  
奉常上奏以獻祖之位非正太祖之尊未申而公卿諸  
儒雜有其議皆以百代不遷宜居東向而獻懿二主所  
歸不同或曰藏於夾室或曰寘於別廟或曰附於德明  
興聖酌殷周之制或曰遷於園寢石室採漢魏之儀而  
又有並居昭穆之列竟虛其位分饗禘祫之禮互處於  
西衆議云云莫有所一至今留中未下誠聖意所重難  
也至當無二衆君子辨之

第四問

問人之生也稟五行之秀其化也順一氣之散而牛哀  
為獸杜宇為鳥趙王為蒼犬夏鯨為黃能一作熊傅巖之  
相為星圮橋之老為石變化糾紛其故何也天壽貴賤  
賦命萬殊而驪山之儒長平之卒歷陽之魚鼈南陽之  
侯王豈稟數斯同復適然也衆君子通性命之理究古  
今之學幽探造化佇所未聞

第五問

問有司之求才與多士之求進其心不相遠也諸生知之乎計偕者幾乎五百籍奏者不逾二十蓋二十五之一也諸生又知之乎雕龍之辨皆謂有餘靈蛇之珠無非在握射或失鵠瑜寧拚瑕雖涇渭終非而蓬麻未直匿名飛語詆訛計一作云云誠無它腸時有讒口豈有司之道未至復諸生之所習難化耶異時有司固諸生之所履也復何如哉非有防川之心願聞易地之說

文苑英華卷四百七十五



欽定四庫全書

文苑英華卷四百七十六 宋 李昉等 編

策問二十八道

中書試進士策問二道

吏部試上書人策問三道

策問明經八道

道舉策問二道

弘文宗文生問一道

禮部策試進士問五道

又明經策問七道

貞元十三年中書試進士策問二道

權德輿

第一問

問先師之言辨君子小人而已勸學則舉六蔽咸事則稱九德推其性類又極於是矣孟軻之數聖者有清有和文子之言人位上五下五列夷惠於天縱頗有所疑

况牛馬於最靈豈為至當班固之古今表劉邵之人物  
志品第乖逆集作或鈎撫纖微誠有可觀恐未集作盡

善既強為己之學必有析理之精敬俟嘉言以祛未達

## 第二問

問乃者西裔背盟勞師備塞今戎王自斃邊遽以聞而  
議者或曰因其喪而弔之可以息人或曰乘其虛而伐  
之可以闢地或曰夷實無厭兵者危事皆所以疲中國  
也不若如故是三者必有可採思而辨之

元和元年吏部試上書人策問三道

前人

第一道

問天下理本繫於朝廷乃者夏州阻命益部干紀皇帝  
神武制勝指期致誅二方晏清九有貞觀紀律載新於  
耳目爵命畢集於勲賢內脩八柄外弘九法教理刑政  
之要制軍詰禁之宜使人皆嚮方兵不復用一其禮俗  
以致和平酌於古而行於今舉其大而遺其細佇達聰

聽子其昌言

第二道

問聖人虛心思天下之理至矣求天下之士勤矣搜於  
中林靡以好爵者往往至焉君子澡身聚學被褐藏器  
方伯上薦賁然而來與夫充賦計偕者異而論也其何  
以佐理道陳嘉猷去徭戍而徼塞無虞減農征而財用  
不乏子集作固所蘊積悉期指明

第三道

問四方之人萃於選部六品以下繫有司積資者豈盡  
獲吏能考言者或見遺敏行一日之鑒固不能周四方  
所稽亦慮未盡近日甸內達於海隅命官親人利病所  
屬欲使舉皆稱職吏必首集作當公則輪轅適宜鰥寡受  
賜企聞體要一二言之

策問明經八道

左氏傳第一道

問魯史之文先師用明於王道漢武之代左氏不列於

學官誠義例之可觀

集作傲

終誣艷而多失鳳凰啟兆陳

氏不得不昌鸞鶴成謠季氏不得不叛既未然於前定  
於立教而謂何同耻釋經豈其如是夏五之闕雖繫月  
而何嫌艮八之占於兼山為何象因生因謚未詳命氏  
之殊德命類命請數制名之義

集作一

生既充賦無辭說

經

禮記第二道

五經明經引  
文崇文生同

問冠婚成人著代之義一獻之饗舅姑先降以奠酬三

加彌尊母兄皆拜而為禮責婦順而則可於子道而謂  
何一與之齊終身不改而夷狄有問服二姓之合為重  
而孔門多出妻蹈白刃或易於中庸引重鼎奚列於儒  
行裼裘襲裘之制繼別繼禰之差生既講聞佇觀詳辨

周禮第三道

問周制六官以倡九牧分事任之廣計名物之多下士  
吏胥類頗繁於冗食上農播殖力或屈於財征簡則易  
從寡能理衆疑宋母之失實豈周公之信然今欲舉司



徒之三物教賓興之六藝又慮樂舞未通於韶濩徒玩  
干旄鄉射有昧於和容務持弓矢適廢術學豈資賢能  
至若六變八變致神祇之格天產地產有禮樂之防忝  
貳春官企聞詳說

周易第四道

問作易者其有憂患乎又曰樂天知命故不憂鼓天下  
之動者存乎辭又曰吉人之辭寡寂然不動則感而遂  
通見幾而作乃不俟終日豈各有所趣幸備言其方至

若巽之於人為廣顙白眼坎之於馬為美脊薄蹄誠曲成以彌綸何取象之鎖細佇開體要然後忘言

尚書第五道

問堯之文思也命羲和四嶽敬授人時其道巍巍矣舜之登庸也則流放竄殛考績黜陟熙帝載而亮天工者二十有二人其理昭昭矣至禹則別九州導九河分五服建五長卒壬癸甲荒度土功其勤云云矣夫以陶唐虞夏皆聖人也而勞逸斯殊豈時不得不然後道有所

不及何事功立德煩簡相去之遠耶願聞其說

毛詩第六道

五經明  
經同

問三綱之道有君臣焉有父子焉周南召南以風化于天下關雎鵲巢乃首於夫婦舉后妃曷若先天子美夫人曷若稱諸侯豈自邇而及遐將舉細而明大又太師所採孔聖所刪以時則齊襄先於衛頃以地則魏土福於晉境未詳差次何所後先一言雖蔽於無邪六義乃先於誦諫既歌乃必類何失之於愚理或出於鄭箋言

無憚於匡說

穀梁傳第七道

問褒貶之書宣父約於史氏清婉之傳卜商授於門人  
經有體元且無訓說日稱夜食頗近迂異徵禿眇之脩  
聘聚綦輒之方言晉大夫奚侯於偕行衛公子豈名其  
天疾隱居攝以崇讓鄭討叛以滅親未曰申邪寧為積  
慮鄒氏夾氏學既不博集作傳尸子沈子復為何者鄙夫  
未達有佇嘉言

論語第八道

明經弘文  
崇文生同

問子曰君子無終食之間違仁又曰仁遠乎哉則子文之忠文子之清由也之果求也之藝皆曰不知其仁豈盡非君子耶胡為乎登夫子之門而稱齊楚之賢大夫也其愚如愚甯武與顏生孰愈三思三省季文子與曾子孰優虞仲隱居以放言下惠辱身以降志頗殊取捨皆曰逸賢探索精微當有師說

道舉策問二道

南華經第一道

問安時處順泊然懸解至人之心也故曰材全而德不  
形又曰休影息迹與夫五漿先饋履滿戶外者固不侔  
矣然則以紀渚之養鷄病僂之承蜩匠石之運斤梓慶  
之削鐻用志不分移於教化則萬物之相刃相靡者悠  
然而順闇然而和奚在於與無趾無眼之徒支離形德  
然後為德耶願聞其說

通玄經第二道

問文子玄虛師其言於老氏計然富利得其術者朱公  
疑傳記之或差何本末之相遠人分五位智辨居忠信  
之前體包五藏耳目乖肺肝之中皆何故耶當有其說  
至於積德積怨實昧其圖上義下仁願聆其旨大辨若  
訥大道甚夷豈在顛之倒之使學者沉而不通也

弘文崇文生問一道

問鄉賦國庠已有定制又闕兩館以延諸生蓋砥礪貴  
游而進之於學也二三子江夏童年頗聞岐嶷舞雩春

服皆已鮮明雖異賓興亦稱講業於經書所好何句於古哲所慕何人兼陳從政之方用辨保家之美

貞元二十一年禮部策問五道

第一道

問古之善為政者在得人而已在求理而已周以功德詔爵祿秦以農戰居職員漢武帝詔察茂異可以為將相者夫功與德非常才所及也農與戰非筮仕所宜也安危注意之重非設科可俟也是三者固有利病幸錯



綜言之又三適之宜九品之法或計戶以貢士或限年以入官事有可行法有可採制度當否悉期指明

## 第二道

問夏殷周之政忠敬文之道承弊以救始終循環而上自五帝不言三統豈備有其政或史失其傳嬴劉而下教化所尚歷代相變其事如何豈風俗漸靡不登於古復救之道有所未至耶國家化光三代首冠百王固以忠厚勝茲文弊前代損益佇聞討論遽數之中所希

體要也

第三道

問古者士足以理官業工足以備器用商足以通貨賄而農者居多所以務三時之功有九年之蓄用阜其業實藏於人乃者惰游相因頗復去本今皇帝勵精至化在宥萬方德音聖澤際天接地凡弘於理道者無不至也裕於齊人者無不被也而又詢吏祿公田之制稽財征權筦之宜使羣有司質政損益庶官匹士皆得上言

衆君子躬先師之儒生盛聖之代佇茲嘉話當薦所聞

#### 第四道

問昔伊尹酒保傳說胥靡竟昌殷道以阜王業春秋時  
觀丁父彭仲爽申卻之俘也克州蓼朝陳蔡楚邦賴之  
漢廷韓安國徒中拜二千石張釋之以貲為郎並稱名  
臣焯叙前史然則俘徒作役或財用自發前代取之而  
得人如是魏晉已降流品漸分筮仕之初率先文學或  
薦賢推擇皆秀發州閭而致理之風頗未及

集作反

古豈

朴散寢久或求之大精其故何也

集作斯故何也

常有所憤

集作

常有

所情今四門大闢百度惟貞執事者固欲上副聰明悉

搜才實幸酌古道指陳所宜

### 第五道

問言身之文也又曰灼於中必文於外司馬相如揚雄

藉甚漢廷其文盛矣或奏琴心而滌器或贊符命以投

閣其於溺情敗度又奚俟

集作事

於文章耶至若孔融禰

衡夸傲於代禍不旋踵何可勝言兩漢亦有質朴敦厚

之科廉清孝順之舉皆本於行而遺其文復何如哉為  
辨其說

明經策問七道

左氏傳問一道

問春秋者以仲尼明周公之志而脩經丘明受仲尼之  
經而為傳元凱悅丘明之傳而為注然則夫子感獲麟  
之無應因絕筆以寄詞作為褒貶使有勸懼是則聖人  
無位者之為政也其於筆削義例豈皆用周法耶左氏

有無經之傳杜氏又錯傳分經誠多艷富慮失根本既學於是頗嘗思乎

禮記第二道

問大學有明德之道中庸有盡性之術闕里弘教微言在茲聖而無位不敢作禮樂時當有聞所以先氣志然則得甫申之佐猶曰降神處定哀之時亦嘗問政致知自當乎格物夢奠奚歎集作難非於宗予必若待文王之無憂遭虞帝之大德然後疑道孰為致君爾其深惟以判

其集作斯惑

周易第三道

問潔淨精微研幾通變伏羲重其象文王演其辭設位  
盡通於三極脩德豈惟於九卦何思何慮既宜以同歸  
先甲先庚乃詳於出令儉德避難頗殊蹇蹇之風趨時  
貴近方異謙謙之吉窮理盡性之奧入神致用之精乾  
元用九之則大衍虛一之數成性有存存之道知幾窮  
至至之原此所講聞試陳要集作崔略

尚書第四道

問洪範之美大同也曰子孫其逢吉數五福也曰考終命皆其極致也至若允恭克讓而生丹朱方命圯族乃產神禹何吉凶之相戾也金縢請命方秉珪以植璧元龜習吉乃啟鑰而見書豈賦命之可移也絕地天通未詳厥理血流漂杵何乃溢言待問而來幸

集作宜

陳師說

毛詩第五道

問風化天下形於詠歌辨理代

英華作治世非

之音厚人倫之



道邳鄆褊小尚列于篇楚宋與區豈無其什變風雅者  
起於何代動天地者本自何詩南陔白華亡其辭而不  
獲谷風黃鳥同其目而不刊舉毛鄭之異同辨齊魯之  
傳授正一有牆面而立既非其徒解人一有頤之言斯有所  
望

穀梁傳第六道

問穀梁名經興於魯學劉向

闕

稱於漢朝或貶絕過

深或象類無據非立異姓乃以闕滅成文同乎他人豈

謂齊侯之子異類頗甚後學景從諱親諱賢當舉其例耳理目理幸數其言何詞所謂近於情何義所謂失於短凡厥師授為予明之

論語第七道

問夫子以天縱之聖畏匡厄陳行合神明故集作久於

丘禱將行理道奚矢於天厥對社粟之間宰我強通歎山梁之時仲由未達季氏旅岱冉求莫救皆見稱於達者或纔比於具臣嘗肆善言顧多滯義末卷載游夏之

事終篇紀舜禹之詞頗疑不倫可以敷暢

文苑英華卷四百七十六